





牧民記第十二

左馮翊韓延壽

長公以

寬膏治

無不可

而竟以

蕭太傅

坐死前

趙京兆

死弱翁

手亦太

傳司直

時効之

世人何

獨罪中

書令也

先是趙廣漢爲太守，患其俗多朋黨，故構會吏民，令相告訐，一切以爲聰明。潁川由是以爲俗，民多怨讐。延壽欲改更之，教以禮讓，恐百姓不從，乃歷召郡中長老爲鄉里所信向者數十人，設酒具食，親與相對，接以禮意。人人問以謠俗，民所疾苦，爲陳和睦親愛，銷除怨咎之路。長老皆以爲便可施行，因與議定嫁娶喪祭儀品，略依古禮，不得過法。延壽於是令文學校官諸生，皮弁執

俎豆爲吏民行喪嫁娶禮百姓遵用其教賣偶車馬下里僞物者棄之市道數年徙爲東郡太守

東郡太守王尊

遷東郡太守久之河水盛溢泛浸瓠子金隄老弱奔走恐水大決爲害尊躬率吏民投沈白馬祀水神河伯尊親執圭璧使巫策祝請以身填金隄因止宿廬居隄上吏民數千萬人爭叩頭救止尊尊終不肯去及水盛隄壞吏民皆奔走唯一主簿泣在尊旁立不動而水波稍却迴還吏民嘉壯尊之勇節白馬三老朱英等奏其狀

龍湖
神之聽
之

下有司考皆如言、於是制詔御史東郡河水盛長毀壞
金隄未決三尺、百姓惶恐奔走、太守身當水衝、屢咫尺
之難、不避危殆、以安衆心、吏民復還就作、水不爲災、朕
甚嘉之、秩尊中二千石、加賜黃金二十斤、

太傅褒德侯卓茂

人常有言、郿亭長受其米肉遺者、茂辟左右問之、曰、亭
長爲從汝來乎、爲汝有事囑之而受乎、將平居自以恩
意遺之乎、人曰、徃遺之耳、茂曰、遺之而受、何故言邪、人
曰、竊聞賢明之君、使人不畏吏、吏不取人、今我畏吏、是

茂作近
精語其

辟人處

亦有看
數

近海患

介公曰

孟子寬

大不如

萬章嚴

小又自

一說不

可偏廢

史記

卷三

以遺之、吏既卒受、故來言耳、茂曰、汝爲敝人矣、凡人所
以貴於禽獸者、以有仁愛、知相敬事也、今鄰里長老相
致饋遺、此乃人道、所以相親、况吏與民乎、吏顧不當乘
威力強請求耳、凡人之生、羣居雜處、故有經紀禮義、以
相交接、汝獨不欲脩之、寧能高飛遠走、不在人間邪、亭
長素善吏、歲時遺之禮也、人曰、苟如此、律何故禁之、茂
笑曰、律設大法、禮順人情、今我以禮教汝、必無怨惡、以
律治汝、汝何所措其手足乎、一門之內、小者可論、大者
可殺也、且歸、念之、於是人納其訓、吏懷其恩、

司徒魯恭

恭有不

言之教

親有不

言之察

皆古人

也

龍湖

肥親亦

可足稱

童安之

使矣若

今人便

須用一

升過山

銀

建初七年郡國螟傷稼犬牙緣界不入中牟河南尹袁

安聞之疑其不實使仁恕掾肥親往廉之恭隨行阡陌

俱坐桑下有雉過止其傍傍有童兒親曰兒何不捕之

兒言雉方將雛親瞿然而起與恭訣曰所以來者欲察

君之政迹耳今蟲不犯境此一異也化及鳥獸此二異

也豎子有仁心此三異也久留徒擾賢者耳還府具以

狀白安

司徒虞延

除細陽令每至歲時伏臘輒遣徒繫各使歸家竝感其恩德應期而還有囚於家被病自載詣獄既至而宛延

率吏掾史殞於門外百姓咸悅之

縱囚事屢見於令長乃文皇舉此輒不滿

永叔意何也

太尉龐參

奇人微意被奇人雖破

大奇然

薤一本

識栽培

傾覆之

常水一

孟明載

舟覆舟

之理抱

孫伏者

漢名安

拜參爲漢陽太守郡人任棠者有奇節隱居教授參到先候之棠不與言但以薤一大本水一盂置戶屏前自抱孫兒伏於戶下主簿白以爲倨參思其微意良久曰棠是欲曉太守也水者欲吾清也拔大本薤者欲吾擊

少懷之
志其爲
謔語不
亦大哉

強宗也抱兒當戶欲吾開門恤孤也於是歎息而還

尚書崔寔

出爲五原太守五原土宜麻枲而俗不知織績民冬月
無衣積細草而卧其中見吏則衣草而出寔至官斥賣
儲峙爲作紡績織維練縕之具以教之民得以免寒苦
桂陽太守衛觿

附茨克

先是舍涇濱陽曲江三縣越之故地武帝平之內屬桂
陽民居深山濱溪谷習其風土不出田租去郡遠者或
且千里吏事往來輒發民乘船名曰傳役每一吏出徭

及數家百姓苦之。颺乃鑿山通道五百餘里，列亭傳，置郵驛，於是役省勞息，奸吏杜絕，流民稍還，漸成聚邑，使輸租賦同之平民。○元和中，荊州刺史上言：「臣行部入長沙界，觀者皆徒跣。臣問御佐曰：『人無履，亦苦之否？』御佐對曰：『十二月盛寒時，竝多剖裂，血出，燃火燎之，春溫或膿潰。』建武中，桂陽太守茨克教人種桑蠶，人得其利。至今江南頗知桑蠶織屨，皆克之化也。」

河內太守任延

九真俗以射獵爲業，不知牛耕。民常告糴交趾，每致困

俗吏不
解

乏延乃令鑄作田器教之墾闢田疇歲歲開廣百姓克
給又駱越之民無嫁娶禮法各因淫好無適對匹不識
父子之性夫嬾之道延乃移書屬縣各使男年二十至
五十女年十五至四十皆以年齒相配其貧無禮娉令
長吏以下各省奉祿以賑助之同時相娶者二千餘人
是歲風雨順節稼穡豐衍其產子者始知種姓咸曰使
我有是子者任君也多名子爲任

野王令劉梁

除北新城長告縣人曰昔文翁在蜀道著巴漢唐桑瑣

俗吏不
解

史有
卷三
穀風移礪礪。吾雖小宰猶有社稷。苟赴期會理文墨。豈
本志乎。乃更大作講舍。延聚生徒數百人。朝夕自往勸
誠身執經卷。試策殿。寂儒化大行。

義俠記第十三

楚莊生

朱公居陶生少子少子及壯而朱公中男殺人囚於楚
朱公曰殺人而死職也吾聞千金之子不死於市告其
少子往視之乃裝黃金千鎰置褐器中載以一牛車且
遣其少子朱公長男固請欲行朱公不聽長男曰家有
長子曰家督今弟有罪大人不遣乃遣少弟是吾不肖
欲自殺其母爲言曰今遣少子未必能生中子也而先
空亡長男奈何朱公不得已而遣長子爲一封書遺故

餘旋此
一段文
字方叙
得玲瓏

所善莊生曰至則進千金於莊生所聽其所爲慎無與
爭事長男旣行亦自私齎數百金至楚莊生家負郭披
藜藿到門居甚貧長男發書進千金如其父言莊生曰
可疾去矣慎毋留卽弟出勿問所以然長男旣去不過
莊生而私留以其私齎獻遺楚國貴人用事者莊生雖
居窮閭然以廉直聞於國自楚王以下皆師尊之及朱
公進金非有意受也欲以成事後復歸之以爲信耳故
金至謂其婦曰此朱公之金有如病不宿誠後復歸勿
動而朱公長男不知其意以爲殊無短長也莊生間時

入見楚王言某星宿某此則害於楚楚王素信莊生曰
今爲奈何莊生曰獨以德爲可以除之楚王曰生休矣
寡人將行之王乃使使者封三錢之府楚貴人驚告朱
公長男曰王且赦曰何以也曰每王且赦常封三錢之
府昨暮王使使封之朱公長男以爲赦弟固當出也重
千金虛棄莊生無所爲也乃復見莊生莊生驚曰若不
去邪長男曰固未也初爲事弟弟今議自赦故辭生去
莊生知其意欲復得其金曰若自入室取金長男卽自
入室取金持去獨自歡幸莊生羞爲兒子所賣乃入見

楚王曰臣前言某星事王言欲以修德報之今臣出道
路皆言陶之富人朱公子殺人囚楚其家多持金錢賂
王左右故王非能恤楚國而赦乃以朱公子故也楚王
大怒曰寡人雖不德耳奈何以朱公之子故而施惠乎
令論殺朱公子明日遂下赦令朱公長男竟持其弟喪
歸至其母及邑人盡哀之唯朱公獨咲曰吾固知必殺
其弟也彼非不愛其弟顧有所不能忍者也是少與我
俱見苦爲生難固重棄財至如少弟者生而見我富乘
堅驅良逐狡兔豈知財所從來故輕去之非所惜吝前

日吾所爲欲遣少子固爲其能棄財故也而長者不能
故卒以殺其弟事之理也無足悲者吾日夜固以望其
喪之來也

齊相孟嘗君田文

孟嘗君待客坐語而屏風後常有侍史主記君所與客
語問親戚居處客去孟嘗君已使使存問獻遺其親戚
孟嘗君曾待客夜食有一人蔭火光客怒以飯不等輟
食辭去孟嘗君起自持其飯比之客慙自剉士以此多
歸孟嘗君孟嘗君客無所擇皆善遇之人人各自以爲

此英雄
着意處

功

孟嘗君親已○孟嘗君過趙平原君客之趙人聞孟嘗君賢出觀之皆咲曰始以薛公爲魁然也今視之乃耿小丈夫耳孟嘗君聞之怒客與俱者下斫擊殺數百人遂滅一縣以去

趙相平原君趙勝

先寒切

平原君家樓臨民家民家有蹇者槃散行汲平原君美人居樓上臨見大咲之明日蹇者至平原君門請曰臣聞君之喜士士不遠千里而至者以君能貴士而賤妾也臣不幸有罷癯之病而君之後宮臨而咲臣臣願得

平原不
速孟嘗
處

啖臣者頭平原君啖應曰諾。蹇者去平原君。啖曰觀此
豎子乃欲以一啖之故殺吾美人。不亦甚乎。終不殺居
歲餘。賓客門下舍人稍稍引去者過半。平原君恠之曰
勝所以待諸君者。未嘗敢失禮而去者何多也。門下一
人前對曰。以君之不殺啖蹇者。以君爲愛色而賤士。士
卽去耳。於是平原君乃斬啖蹇者。美人頭自造門進。蹇
者因謝焉。其後門下乃復稍稍來。

魏上將軍信陵君魏無忌

公子聞趙有處士毛公。藏於博徒。薛公藏於賣漿家。公

平原不
達信陵
處

後來勸

公子歸

畢竟不

出兩人

昭陽平

原枉敬

一覽人

耳

子欲見兩人兩人自匿不肯見公子公子聞所在乃聞
步往從此兩人游甚歡平原君聞之謂其夫人曰始吾

聞夫人弟公子天下無雙今吾聞之乃妄從博徒賣漿

者游公子妄人耳夫人以告公子公子乃謝夫人去曰

始吾聞平原君賢故負魏王而救趙以稱平原君平原

君之游徒豪舉耳不求士也無忌自在大梁時常聞此

兩人賢至趙恐不得見以無忌從之游尚恐不我欲也

今平原君乃以為羞其不足從游乃裝為去夫人具以

語平原君平原君乃免冠謝固留公子

齊屠聶政

聶政母死既已葬除服聶政曰嗟乎政乃市井之人鼓
刀以屠而嚴仲子乃諸侯之卿相也不遠千里枉車騎
而交臣臣之所以待之至淺鮮矣未有大功可以稱者
而嚴仲子奉百金爲親壽我雖不受然是者徒深知政
也夫賢者以感忿睚眦之意而親信窮僻之人而政獨
安得嘿然而已乎且前日要政政徒以老母老母今以
天年終政將爲知己者用乃遂西至濮陽見嚴仲子曰
前日所以不許仲子者徒以親在今不幸而母以天年

計甚審

奸漢

終仲子所欲報讐者爲誰請得從事焉嚴仲子具告曰臣之讐韓相俠累俠累又韓君之季父也宗族盛多居處兵衛甚設臣欲使人刺之衆終莫能就今足下幸而不棄請益其車騎壯士可爲足下輔翼者聶政曰韓之與衛相去中間不甚遠今殺人之相相又國君之親此其勢不可以多人多人不能無生得失生得失則語泄語泄是韓舉國而與仲子爲讐豈不殆哉遂謝車騎人徒聶政乃辭獨行杖劍至韓韓相俠累方坐府上持兵戟而衛侍者甚衆聶政直入上階刺殺俠累左右大亂

聶政大呼所擊殺者數十人因自皮面決眼自屠出腸
遂以死韓取聶政屍暴於市購問莫知誰子於是韓購
縣之有能言殺相俠累者予千金久之莫知也政姊榮
聞人有刺殺韓相者賊不得國不知其名姓暴其屍而
縣之千金乃於邑曰其是吾弟與嗟乎嚴仲子知吾弟
立起如韓之市而死者果政也伏屍哭極哀曰是軹深
井里所謂聶政者也市行者諸衆人皆曰此人暴虐吾
國相王縣購其姓名千金夫人不聞與何敢來識之也
榮應之曰聞之然政所以蒙汚辱自棄於市販之間者

不當說

嚴仲子

豪婦人

口漏矣

好姊

前文伯

以剪吳

爲老母幸無恙妾未嫁也親旣以天年下世妾已嫁夫

嚴仲子乃察舉吾弟困汚之中而交之澤厚矣可奈何

士固爲知己者死今乃以妾尚在之故重自刑以絕從

妾其奈何畏歿身之誅終滅賢弟之名大驚韓市人乃

大呼天者三卒於邑悲哀而死政之旁

秦國尉繚繚

大梁人尉繚來說秦王曰以秦之疆諸侯譬如郡縣之

君臣但恐諸侯合從翕而出不意此乃智伯夫差湣王

之所以亡也願大王母愛財物賂其豪臣以亂其謀不

聶政大呼所擊殺者數十人因自皮面決眼自屠出腸
遂以炮韓取聶政屍暴於市購問莫知誰子於是韓購
縣之有能言殺相俠累者予千金久之莫知也政姊榮
聞人有刺殺韓相者賊不得國不知其名姓暴其屍而
縣之千金乃於邑曰其是吾弟與嗟乎嚴仲子知吾弟
立起如韓之市而死者果政也伏屍哭極哀曰是軹深
井里所謂聶政者也市行者諸衆人皆曰此人暴虐吾
國相王縣購其姓名千金夫人不聞與何敢來識之也
榮應之曰聞之然政所以蒙汚辱自棄於市販之間者

不當說

嚴仲子

豪婦人

口漏矣

好姊

前文伯
以剪吳

爲老母幸無恙妾未嫁也親旣以天年下世妾已嫁夫
嚴仲子乃察舉吾弟困汚之中而交之澤厚矣可奈何
士固爲知己者死今乃以妾尚在之故重自刑以絕從
妾其奈何畏歿身之誅終滅賢弟之名大驚韓市人乃
大呼天者三卒於邑悲哀而死政之旁

秦國尉繚繚

大梁人尉繚來說秦王曰以秦之疆諸侯譬如郡縣之
君臣但恐諸侯合從翕而出不意此乃智伯夫差湣王
之所以亡也願大王母愛財物賂其豪臣以亂其謀不

後戶牖

以破楚

皆襲此

智

此自魯

連一等

人

過亡三十萬金則諸侯可盡秦王從其計見尉繚亢禮

衣服食飲與繚同繚曰秦王為人蜂準長目顰鳥膺豺

聲少恩而虎狼心居約易出人下得志亦輕食人我布

衣然見我常身自下我誠使秦王得志於天下天下皆

為虜矣不可與久游乃亡去

趙景王張耳成安君陳餘

秦滅魏數歲已聞此兩人魏之名士也購求有得張耳

千金陳餘五百金張耳陳餘乃變名姓俱之陳為里監

門以自食兩人相對里吏嘗有過笞陳餘陳餘欲起張

求者定
價乃是
兩君優
劣

直千金
便知陳

必死張
手

耳躡之使受笞吏去張耳乃引陳餘之桑下而數之曰
始吾與公言何如今見小辱而欲死一吏乎陳餘然之
秦詔書購求兩人兩人亦反用門者以令里中

齊巫蒯通

范陽人蒯通說范陽令曰竊聞公之將死故弔雖然賀
公得通而生范陽令曰何以弔之對曰秦法重足下爲
范陽令十年矣殺人之父孤人之子斷人之足黥人之
首不可勝數然而慈父孝子莫敢傳刃公之腹中者畏
秦法耳今天下大亂秦法不施然則慈父孝子且傳刃

龍湖
至理

公之腹中以成其名此臣之所以乎公也今諸侯昨秦
矣武信君兵且至而君堅守范陽少年皆爭殺君下武
信君君急遣臣見武信君可轉禍爲福在今矣范陽令
乃使蒯通見武信君曰足下必將戰勝然後畧地攻得
然後下城臣竊以爲過矣誠聽臣之計可不攻而降城
不戰而畧地傳檄而千里定可乎武信君曰何謂也蒯
通曰今范陽令宜整頓其士卒以守戰者也怯而畏死
貪而重富貴故欲先天下降畏君以爲秦所置吏誅殺
如前十城也然今范陽少年亦方殺其令自以城距君

君何不齎臣侯印拜范陽令、范陽令則以城下君、少年亦不敢殺其令、令范陽令乘朱輪華轂使驅馳燕趙郊、燕趙郊見之皆曰此范陽令先下者也、卽喜矣、燕趙城可毋戰而降也、此臣所謂傳檄而千里定者也、武信君從其計、因使蒯通賜范陽令侯印、趙地聞之不戰以城下者三十餘城。

趙廝養卒

可惜此

韓廣

人不載

姓名或

曰廝卽

趙王問出爲燕軍所得、燕將囚之、欲與分趙地半、乃歸正使者往、燕輒殺之、以求地、張耳陳餘患之、有廝養卒

姓養卒
即名其

姓名即

千載不

朽矣豈

似世之

自負著

姓有名

望而實

與草木

同腐者

乎

此卒難

於茅焦

車前三

謝其舍中曰吾爲公說燕與趙王載歸舍中皆咲曰使
者往十餘輩輒施若何以能得王乃走燕壁燕將見之
問燕將曰知臣何欲燕將曰若欲得趙王耳曰君知張
耳陳餘何如人也燕將曰賢人也曰知其志何欲曰欲
得其王耳趙養卒乃笑曰君未知此兩人所欲也夫武
臣張耳陳餘校馬箠下趙數十城此亦各欲南面而王
豈欲爲卿相終已邪夫臣與王豈可同日而道哉顧其
勢初定未敢參分而王且以少長先立武臣爲王以持
趙心今趙地已服此兩人亦欲分趙而王時未可耳今

君乃囚趙王此兩人名爲末趙王實欲燕殺之此兩人
分趙自立夫以一趙尚易燕況以兩賢王左提右挈而
責殺王之罪滅燕易矣燕將以爲然乃歸趙王養卒爲
御而歸

趙相貫高

高祖從平城過趙趙王朝夕袒韞蔽自上食禮甚卑有
子壻禮高祖箕倨言甚慢易之趙相貫高趙午等年六
十餘故張耳客也生平爲氣乃怒曰吾王孱王也說王
曰夫天下豪桀竝起能者先立今王事高祖甚恭而高

祖無禮請爲王殺之張敖齧其指出血曰君何言之誤

稱謚誤當云帝

且先人亡國賴高祖得復國德流子孫秋毫皆高祖力也願君無復出口貫高趙午等十餘人皆相謂曰乃吾等非也吾王長者不倍德且吾等義不辱今怨高祖辱我王故欲殺之何乃洿王爲乎令事成歸王事敗獨身坐耳漢八年上從東垣還過趙貫高等乃壁人柏人要之置上過欲宿心動問曰縣名爲何曰柏人柏人者迫於人也不宿而去漢九年貫高怨家知其謀乃上變告之於是上皆并逮捕趙王貫高等十餘人皆爭自剄貫

好
不死得

高獨怒罵曰誰令公爲之今王實無謀而并捕王公等
皆死誰白王不反者乃輜車膠致與王詣長安治張敖
之罪上乃詔趙羣臣賓客有敢從王皆族貫高與客孟
舒等十餘人皆自髡鉗爲王家奴從來貫高至對獄曰
獨吾屬爲之王實不知吏治榜笞數千刺剗身無可擊
者終不復言呂后數言張王以魯元公主故不宜有此
上怒曰使張敖據天下豈少而女乎不聽廷尉以貫高
事辭聞上曰壯士誰知者以私問之中大夫泄公曰臣
之邑子素知之此固趙國立名義不侵然諾者也上使

泄公持節問之。衡輿前仰視曰：泄公邪？泄公勞苦如生
平驪，與語問張王果有計謀不高曰：人情寧不各愛其
父母妻子乎？今吾三族皆以論死，豈以王易吾親哉？顧
爲王實不反，獨吾等爲之具道本指，所以爲者王不知
狀。於是泄公入具以報上，乃赦趙王。上賢貫高爲人能
立然諾，使泄公具告之曰：張王已出，因赦貫高。貫高喜
曰：吾王審出乎？泄公曰：然。泄公曰：上多足下，故赦足下。
貫高曰：所以不死，一身無餘者，白張王不反也。今王已
出，吾責已塞，死，不恨矣。且人臣有篡殺之名，何面目復

死得好

史記卷三
事○上○哉○縱○上○不○殺○我○我○不○愧○於○心○乎○乃○仰○絕○脛○遂○死○

平原君朱建

陸生周

還辟陽

利其多

金耳生

真策士

也平原

君亦以

五百金

動之

稱之不無太過

平原君為人辯有口刻廉剛直家於長安行不苟合義
不取容辟陽侯行不正得幸呂太后時辟陽侯欲知平
原君平原君不肯見及平原君母死陸生素與平原君
善過之平原君家貧未有以發喪方假貸服具陸生令
平原君發喪陸生往見辟陽侯賀曰平原君母死辟陽
侯曰平原君母死何乃賀我乎陸賈曰前日君侯欲知
平原君平原君義不知君以其母故今其母死君誠送

喪則彼爲君死矣。辟陽侯乃奉百金往稅列侯貴人以
辟陽侯故往稅凡五百金。辟陽侯幸呂太后人，或毀辟
陽侯於孝惠帝。孝惠帝大怒，下吏欲誅之。呂太后慙不
可以言，大臣多害辟陽侯行，欲遂誅之。辟陽侯急，因使
人欲見平原君。平原君辭曰：「獄急，不敢見君。」乃求見孝
惠。幸臣閼籍孺說之曰：「君所以得幸帝，天下莫不聞。今
辟陽侯幸太后而下吏，道路皆言君讒欲殺之。今日辟
陽侯誅，旦日太后含怒亦誅君。何不肉袒爲辟陽侯言
於帝？」帝聽君出，辟陽侯太后大驩。兩王共幸君，君貴富。

惠帝之
城不讓
昔患

然平原
君卒以
此自殺
可謂工
于謀人
者

益倍矣於是閔籍孺大恐從其計言帝果出辟陽侯辟
陽侯之囚欲見平原君平原君不見辟陽侯辟陽侯以
爲倍已大怒及其成功出之廼大驚呂太后崩大臣誅
諸呂辟陽侯於諸呂至深而卒不誅計畫所以全者皆
陸生平平原君之力也

楚相袁盎

袁盎以大常使吳吳王欲使將不肯欲殺之使一都尉
以五百人圍守盎軍中袁盎自其爲吳相時嘗有從史
從史嘗盜愛盎侍兒盎知之弗治遇之如故人有告從

事
謝夫豪

若非司
馬晁君
無死理
若非侍
兒袁君
無生理
事不相
期而相
成者如
此

史言君知爾與侍者通乃亡歸袁盎驅自追之遂以待
者賜之復爲從史及袁盎使吳見守從史適爲守盎校
尉司馬乃悉以其裝齎置二石醇醪會天寒士卒饑渴
飲酒醉西南陬卒皆卧司馬夜引袁盎起曰君可以去
矣吳王期旦日斬君盎弗信曰公何爲者司馬曰臣故
爲從史盜君侍兒者盎乃驚謝曰公幸有親吾不足以
累公司馬曰君第去臣亦且亡避吾親君何患乃以刀
帳軍幕
決張道從醉卒直隧出司馬與分背袁盎解節毛懷之
杖步行七八里明見梁騎騎馳去遂歸報

太子太傅卜式

時漢方事匈奴式上書願輸家財半助邊上使使問式
欲爲官乎式曰自少牧羊不習仕宦不願也使者曰家
豈有冤欲言事乎式曰臣生與人亡所爭邑人貧者貸
之不善者教之所居人皆從式式何故見冤使者曰苟
子何欲式曰天子誅匈奴愚以爲賢者宜施節有財者
宜輸之如此而匈奴可滅也使臣以聞上以語丞相弘
弘曰此非人情不執之臣不可以爲化而亂法願陛下

此殺翁
伯手段

勿許上不報

丞相陽鄉侯朱博

家貧少時給事縣爲亭長好客少年捕博敢行稍遷爲功曹伉俠好交隨從士大夫不避風雨是時前將軍望之子蕭育御史大夫萬年子陳咸以公卿子著材知名博皆友之矣時諸陵縣屬太常博以太常掾察廉補安陵丞後去官入京兆歷曹史列掾出爲督郵書掾所部職辦郡中稱之而陳咸爲御史中丞坐漏泄省中語下獄博去吏間步至廷尉中候伺咸事成掠治因薦博詐得爲醫人獄得見咸具知其所坐罪博出獄又變姓名

人不可
以無友

爲咸驗治數百卒免咸死罪咸得論出而博以此顯名
僞將軍呂母

此報子
仇者

琅邪海曲有呂母者子爲縣吏犯小罪宰論殺之呂母
怨宰密聚客規以報讐母家素豐貲產數百萬乃益釀
醇酒買刀劍衣服少年來酤者皆賒與之視其乏者輒
假衣裳不問多少數年財用稍盡少年欲相與償之呂
母垂泣曰所以厚諸君者非欲求利徒以縣宰不道枉
殺吾子欲爲報怨耳諸君寧肯哀之乎少年壯其意又
素受恩皆許諾其中勇士自號猛虎遂相聚得數十百

人因與呂母入海中招合亡命衆至數千呂母自稱將軍引兵還攻破海曲執縣宰諸吏叩頭爲宰請母曰吾子犯小罪不當死而爲宰所殺殺人當死又可請乎遂斬之以其頭祭子冢復還海中

太傅錄尚書事節鄉正侯趙熹

從兄爲人所殺無子熹年十五常思報之乃挾兵結客後遂往復讐而讐家皆疾病無相距者熹以因疾報殺非仁者心且釋之而去願謂讐曰爾曹若健遠相避也讐皆卧自搏後病愈悉自縛詣熹熹不與相見後竟殺

史記卷三
之

扶風郡五官掾蘓不韋

父謙初爲郡督郵時魏郡李嵩爲美陽令與中常侍具
瑗交通貪暴爲民患前後監司畏其執援莫敢糾問及
謙至部案得其臧論輸左校謙累遷至金城太守去郡
歸鄉里漢法免罷守令自非詔徵不得妄到京師而謙
後私至洛陽時嵩爲司隸校尉收謙詰掠死獄中嵩又
因刑其屍以報昔怨不韋時年十八徵詣公車會謙見
殺不韋載喪歸鄉里瘞而不葬仰天歎曰伍子胥獨何

何物民
類乃爲
枯骨雪
雉陽球
司隸豈
可少哉

人也乃藏母於武都山下遂變姓名盡以家財募劍客
邀高於諸陵間遂不剋會高遷大司農時右校芻廩在
寺北垣下不韋與親從兄弟潛入廩中夜則鑿地晝則
逃伏如此經月遂得旁達高之寢室出其牀下值高在
廁因殺其妾并及小兒留書而去高大驚懼乃布棘於
室以板籍地一夕九徙雖家人莫知其處每出輒劍戟
隨身壯士自衛不韋知高有備乃日夜飛馳徑到魏郡
掘其父冢斷取阜頭以祭父墳又標之於市曰李君
遷父頭高匿不敢言而自上退位歸鄉里私掩塞冢梓

捕求不韋歷歲不能憤恚感傷發病嘔血死

執金吾楊邑鄉侯馮魴

是時湖陽大姓虞都尉反城稱兵先與同縣申屠季有讐而殺其兄謀滅季族季亡歸魴魴將季欲還其營道逢都尉從弟長卿來欲執季魴叱長卿曰我與季雖無素故士窮相歸要當以死任之卿爲何言遂與俱歸季謝曰蒙恩得全死無以爲報思有牛馬財物願悉獻之魴作色曰吾老親弱弟背賊城中今日相與尚無所顧何云財物乎季慙不敢復言

聘君張玄

不成則
周章之
南宮鄭
汪之甘
露成亦
爲袁紹
朱溫而
已舉事
固當三
思豈容
草草

玄字處虛、沈深有才畧、以時亂不仕、司空張溫數以禮
辟、不能致、中平二年、溫以車騎將軍出征涼州、賊邊章
等將行、玄自田廬被褐帶索、要說溫曰、天下寇賊雲起、
豈不以黃門常侍無道故乎、聞中貴人公卿以下當出、
祖道於平樂觀、明公總天下威重、握六師之要、若於中
坐酒酣、鳴金鼓、整行陣、召軍正、執有罪者、誅之、引兵還、
屯都亭、以次翦除中官、解天下之倒懸、報海內之怨毒、
然後顯用、隱逸忠正之士、則邊章之徒、宛轉股掌之上、

矣溫聞大震不能對良久調玄曰處虛非不悅子之言
顧吾不能行如何耳玄乃歎曰事行則爲福不行則爲
賊今與公長辭矣卽仰藥欲飲之溫前執其手曰子忠
於我我不能用是吾罪也子何爲當然且出口入耳之
言誰今知之玄遂去隱居魯陽山中

掾孫斌

第五

單超積懷忿恨遂以事陷種竟坐徙朔方超外孫董援
爲朔方太守稽怒以待之初種爲衛相以門下掾孫斌
賢善遇之及當徙斥斌具聞超謀乃謂其友人同縣閭

先尋出
路然後
下手可
謂忠謀
與尋常
刺客不
同

子直及高密甄子然曰蓋盜憎其主從來舊矣第五使
君當投裔土而單超外屬爲彼郡守夫危者易什可爲
寒心吾今方追使君庶免其難若奉使君以還將以付
子二人曰子其行矣是吾心也於是斌將俠客晨夜追
種及之於太原遮險格殺送吏囚下馬與種斌自步從
一日一夜行四百餘里遂得脫歸種匿於閭甄氏

少府孔融

曹楊

時袁術僭亂操託彪與術婚姻誣以欲圖廢置奏收下
獄劾以大逆將作大匠孔融聞之不及朝服往見操曰

難談語
却亦起

楊公四世清德海內所瞻周書父子兄弟罪不相及易
稱積善餘慶徒欺人耳操曰此國家之意融曰假使成
王殺邵公周公可得言不知耶今天下纓綬播紳所以
瞻仰明公者以公聰明仁智輔相漢朝舉直厝枉致之
雍熙也今橫殺無辜則海內觀聽誰不解體孔融魯國
男子明日便當拂衣而去不復朝矣操不得已遂理出
彪

王成

李

初固旣薨寵知不免禍乃遣三子歸鄉里時燮年十二

李

好門生

姊文姬爲同郡趙伯英妻賢而有智見二兄歸具知事
本默然獨悲曰李氏滅矣自太公已來積德累仁何以
遇此密與二兄謀豫藏匿爨託言還京師人咸信之有
頃難作下郡收固三子二兄受害文姬乃告父門生王
成曰君執義先公有古人之節今委君以六尺之孤李
氏存滅其在君矣成感其義乃將爨乘江東下入徐州
界內令變名姓爲酒家傭而成賣卜於市各爲異人陰
相往來爨從受學酒家異之意非恒人以女妻爨爨專
精經學十餘年間梁冀旣誅而灾眚屢見明年史官上

兄是大
智

言宜有赦令又當存錄大臣冤死者子孫於是大赦天
下并求固後嗣燮乃以本末告酒家酒家具車重厚遣
之皆不受遂還鄉里追服姊弟相見悲感傍人旣而戒
燮曰先公正直爲漢忠臣而遇朝廷傾亂梁冀肆害令
吾宗嗣血食將絕今弟幸而得濟豈非天邪宜杜絕衆
人勿妄往來慎無一言加於梁氏加梁氏則連主上禍
重至矣惟引咎而已燮謹從其誨後王成卒燮以禮葬
之感傷舊恩每四節爲設上賓之位而祠焉

青州刺史孫嵩

此等人
天地間
別樣正

先是中常侍唐衡兄瑤爲京兆虎牙都尉郡人以瑤進
不由德皆輕侮之岐及從兄襲又數爲貶議瑤深毒恨
延熹元年瑤爲京兆尹岐懼禍及乃與從子戡逃避之
瑤果收岐家屬宗親陷以重法盡殺之岐遂逃難四方
江淮海岱靡所不歷自匿姓名賣餅北海市中時安丘
孫嵩年二十餘遊市見岐察非常人停車呼與共載岐
懼失色嵩乃下帷令騎屏行人密問岐曰視子非賣餅
者又相問而色動不有重怨卽亡命乎我北海孫賓石
闔門百口勢能相濟岐素聞嵩名卽以實告之遂以俱

歸嵩先入白母曰出行乃得死友迎入上堂饗之極歡
藏歧復壁中數年歧作危屯歌二十章後諸唐妃滅
因赦乃出

東萊李篤

張

儉得亡命困迫遁走望門投止莫不重其名行破家相

難處之

事惟人所

任使人人

如毛外

黃史平

原雖黨

銅無害

也

容復流轉東萊止李篤家外黃令毛欽操兵到門篤引
欽謂曰張儉知名天下而亡非其罪縱儉可得寧忍執
之乎欽因起撫篤曰遽伯玉耻獨為君子足下如何自
專仁義篤曰篤雖好義明廷今日載其半矣欽歎息而

夫

奮武將軍薊侯公孫瓚

襲賁侯
相與有
上下之
誼何不
以是通
之

太守劉君坐事檻車徵官法不聽吏下親近瓚乃改容服詐稱侍卒身執徒養御車到洛陽太守當徙日南瓚具豚酒於北芒上祭辭先人爵觴祝曰昔爲人子今爲人臣當詣日南日南多瘴氣恐或不還便當長辭慷慨悲泣再拜而去觀者莫不歎息旣行於道得赦瓚還郡舉孝廉除遼東屬國長史

大將軍鄴侯袁紹

豪哉克
之何不
可者

卓議欲廢立謂紹曰天下之主宜得賢明每念靈帝令
人憤毒董卓侯似可今當立之紹曰今上富於春秋未有
不善宜於天下若公違禮任情廢嫡立庶恐衆議未安
卓按劍叱紹曰豎子敢然天下之事豈不在我我欲爲
之誰敢不從紹詭對曰此國之大事請出與太傅議之
卓復言劉氏種不足復遺紹勃然曰天下健者豈惟董
公橫刀長揖徑出懸節於上東門而奔冀州

武陽陳宮

操謂陳宮曰公臺自謂平生智有餘今意何如宮指布

英雄問
答如兄

曰是子不用宮言以至於此若見從未可量也操又曰
奈卿老母何宮曰老母在公不在宮也夫以孝理天下
者不害人之親操復曰奈卿妻子何宮曰宮聞霸王之
主不絕人之祀固請就刑遂出不顧操爲之泣涕

光祿主事戴就

揚州刺史歐陽參奏太守成公浮臧罪遣部從事薛安
案倉庫簿領收就於錢塘縣獄幽囚考掠五毒參至就
慷慨直辭色不變容又燒鋸斧使就挾於肘腋就語獄
卒可熟燒斧勿令冷每上彭考因止飯食不肯下肉焦
也

彭卽第

馬矢

此何減
實高

毀墮地者、掇而食之、主者窮竭酷慘、無復餘方、乃卧就
覆船下、以馬通薰之一夜二日、皆謂已死、發船視之、就
方張眼、大罵曰、何不益火、而使滅絕、又復燒地、以大鍼
刺指爪中、使以把土、爪悉墮落、主者以狀白、安安呼見
就、謂曰、太守罪穢狼籍、受命考實、君何故以骨肉拒扞
邪、就據地答言、太守剖符、大臣當以死報國、卿雖銜命、
固宜申斷、冤毒奈何、誣枉忠良、強相掠理、令臣謗其君、
子證其父、薛安庸駭、怛行無義、就考炮之日、當白之、於
天、與群鬼殺汝、於亭中、如蒙生全、當手刃相裂、安深奇

其壯節卽解械更與美談表其言辭解釋郡事徵浮還
京師免歸鄉里

易

卷三





